

Date : 6 Ogos 2016
Title : 500 pelajar Darul Quran Jakim terima sijil, diploma
Publication : Utusan Malaysia
Page :

500 pelajar Darul Quran Jakim terima sijil, diploma

06 Ogos 2016 12:19 AM



KUALA LUMPUR 5 Ogos – Seramai 500 pelajar Darul Quran Jabatan Kemajuan Islam Malaysia (Jakim) akan menerima sijil dan diploma masing-masing dalam Istiadat Konvokesyen Ke-25 di Kompleks Darul Quran, Kuala Kubu Bharu, dekat sini.

Timbalan Ketua Pengarah (Pembangunan Insan) Jakim, Datuk Razali Shahabudin berkata, konvokesyen kali ini agak istimewa kerana diadakan pada sambutan jubli emas penubuhan Darul Quran.

“Darul Quran kini telah berubah sejak penubuhannya pada 50 tahun lalu kerana pelajar bukan lagi hanya menjadi pegawai agama atau imam masjid.

“Graduan Darul Quran kini menjadi bakal doktor, jurutera dan juruterbang,” katanya dalam Majlis Perasmian Ekspo sempena Istiadat Konvokesyen Darul Quran Jakim di Kuala Kubu Bharu dekat sini semalam.

Beliau berkata, seramai 90 pelajar program Persijilan Jakim-USim dan 22 pelajar program Persijilan Jakim-Uniten merupakan antara pelajar yang bakal menerima sijil, sekali gus membolehkan mereka melanjutkan pengajian dalam bidang sains.